

1861. og heilbrigðisskýrteini, svo sem fyrir er skipað í verzlunarlögun-  
 30. ágústm. um frá 15. apríl. 1854, þá skorar nú dómsmálastjórnin á  
 yður herra (tit.), að þér brýnið það fyrir sýslumönnum (í bréf-  
 inu til stiptamtanns: bæjarfógetanum og sýslumönnum) þeim,  
 sem þér eruð yfir skipaðir, að þeir eigi vandlega að gæta laga-  
 ákvarðana þeirra, er nú voru nefndar.

30. ágústm. **54. Bréf dómsmálastjórnarinnar til stiptamtannsins  
 yfir Íslandi, um lán handa Reykjavíkur bæ.**

Nokkrir af íbúum Reykjavíkurbæjar hafa í bænarskrá, er  
 hingað kom með álitsskjali yðar, herra stiptamtmaður, dagsettu  
 13. júním. þ. á., sótt um, að bæ þessum sé leyft að taka  
 4000 ríkisdala lán, er í 28 ár í röð verði goldnir af 6 af  
 hundræði í leigu og borgun höfuðstólsins, til þess ráðin verði  
 bót á bjargræðisskortri þeim, sem nú sé meðal fátæklinga þar í  
 bænum, á þann hátt, að þeim gefist kostur á að fá atvinnu við  
 verk, er framkvæmd skuli fyrir kaupstaðinn þetta árið.

Um leið og þér senduð hingað bænarskrá þessa, sem  
 bæjarfulltrúarnir hafa mælt fram með, að veitt verði áheyrsla,  
 þó svo, að lánið eigi nemi meiru en 2700 ríkisdöllum, hafið þér,  
 herra stiptamtmaður, meðal annars getið þess, að það, að yðar  
 álit, sé mjög vafasamt, hvort og að hve miklu leyti lán það,  
 er menn æskja, geti orðið að þeim notum, sem til er ætlaðt,  
 og að það að minnsta kosti sé mjög ísjárvert að þyngja á svo  
 fátæku bæjarfélagi, sem Reykjavík er, með svo mikilli skuld,  
 einkum þaræð óumflýjanlegt verði fyrir bæinn að taka töluvert  
 lán vegna barnaskólans, sem nú á að stofna þar. Auk þessa hafið  
 þér bent á, að kjör manna í bænum séu enn ekki orðin svo  
 bág, eður svo mikil hætta á ferðum, sem ráða megi af bæn-  
 arskránni; en með því það á hinn bóginn sé rétt hermt, að  
 sá hluti bæjarbúa, sem að mestu eigi bjargræði sitt undir sjávar-  
 aflanum, nú sem stendur eigi að nokkru leyti við bág kjör að  
 búa, og að þess vegna megi fyrir sjá, að fátækra sjóðurinn

muni þurfa viðbót við tekjur sínar, þá hafið þér lagt það til, 1861.  
 að bænum verði veitt heimild til að taka 1000 ríkisdala lán, 30. ágústm.  
 til þess að því fê verði varið ásamt því, sem þegar er búið  
 að jafna á bæjarbúa, til þeirra gjalda, er nauðsynleg eru í  
 þarfir fátækra þetta árið.

Í þessu efni skal yður til vitundar gefið, sjálfum yður til  
 leiðbeiningar, og til þess þér kunngjörð það þeim, er hlut eiga  
 að máli, að dómsmálastjórnin verður að vera á sama máli og  
 þér, herra stiptamtmaður, um það, að ekki sé ástæða til að  
 samþykka, að bærinn taki lán það, sem um er rætt í bænarskránni,  
 og að stjórnarráðið eigi heldur getur hlutast til um að  
 útvega fátækra sjóðnum lán, fyrri en ef svo kann að breytast  
 ástandið, að brýna nauðsyn beri til þess.

**55. Bréf dómsmálastjórnarinnar til stiptamtmannsins 31. ágústm.**  
 yfir Íslandi, um borgun fyrir eptirrit af dóms-  
 gjörðum.

Í bréfi 31. maím. þ. á. hefir amtmaðurinn yfir norður-  
 og austurumdæminu á Íslandi skýrt frá, að hann, samkvæmt  
 heimild, er hann hafði til þess fengið hjá dómsmálastjórninni,  
 hafi beðið um að fá frá landsyfirráttinum dómsgjörðirnar í máli  
 því, er dæmt var í yfirdóminum 16. janúarm. f. á. milli eig-  
 anda jarðarinnar Víðivalla og Skriðu-klausturs umboðs, út af  
 Ranaskógi, sem svo er nefndur, en hafi eigi síðar fengið dóms-  
 gjörðir þessar, meðfram fyrir þá sök, að Benidikt yfirdómari  
 Sveinsson, sem er skrifari í yfirdóminum, hafi neitað að láta  
 af hendi eptirrit yfirdóms-gjörðanna nema fyrir borgun, og hefir  
 því amtmaðurinn beðið um, að dómsmálastjórnin tilkynni em-  
 bættismanni þessum það, sem nauðsyn er á í þessu efni.

Með því nú Benidikt yfirdómari Sveinsson ekki á heimting  
 á borgun fyrir eptirrit dómsgjörða í þeim málum, er snerta  
 réttindi kóngsjarða, eptir því, sem ákveðið er í aukatekju-  
 reglugjörð 10. septemberm. 1830, 13. grein, smbr. rentu-